



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1518657

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

14 դեկտեմբերի 2022թ.

ք. Երևան
(կազմման վայրը)

Ակտի հասցեագրեր

«ԹԻ ԷՆ ԻՄՊՈՐՏ ԳՐՈՒՓ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	8	4	2	3	4	9	3
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Մ.Խորենացի փող. 7

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի ժամանակավոր պաշտոնակատարի 18.11.2022թ. թիվ 1518657 որոշման համաձայն ՀՀ տարածքում մատակարարվող կամ տեղափոխվող արտադրանքի փաստաթղթային պարտադիր պահանջների խախտման հանգամանքների պարզաբանման նպատակով իրականացվել են օպերատիվ-հետախուզական միջոցառումներ, որոնց արդյունքում ձեռք են բերվել փաստական տվյալներ և հանգամանքներ առ այն, որ «ԹԻ ԷՆ Իմպորտ Գրուփ» ՍՊԸ-ի կողմից իրականացվել է ապրանքների ներմուծում, վաճառք, ինչպես նաև միջնորդական ծառայությունների մատուցում:

Իրականացված ՕՀՄ-ի ընթացքում պարզվել է, որ 19.11.2022-ին ընկերության կողմից ք. Երևան, Մովսես Խորենացի 7 հասցեից իրականացվել էր ապրանքի տեղափոխություն ք. Չարենցավան: ՀՕՀՎ աշխատակիցների կողմից պարզաբանման ենթակա հանգամանքների վերաբերյալ տեղեկություններ ստանալու նպատակով ընկերության տնօրեն Թելման Նալբանդյանը ներկայացրել է գրավոր հայտարարություն այն մասին, որ 19.11.2022-ին ք. Երևան, Մովսես Խորենացի 7 հասցեից իրականացրել է 500 հատ նիկոտին պարունակող նարգիլայի համերի և 500 հատ նիկոտին չպարունակող նարգիլայի համերի տեղափոխություն ք. Չարենցավան՝ իր բարեկամին պատկանող պահեստային տարածք, հետագա վաճառքի համար: Հայտնել է նաև, որ տեղափոխված ապրանքների ընդհանուր արժեքը կազմում է 321.270 ՀՀ դրամ:

ՀՀ ՊԵԿ տեղեկատվական բազայի տվյալների (Հարկատու-3 ծրագիր) համաձայն՝ 19.11.2022թ-ին ընկերության կողմից վերը նշված տեղափոխության մասով դուրս գրված հաշվարկային փաստաթղթեր արտացոլված չէր:

Թիվ 1518657 արձանագրությամբ 29.11.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 14.12.2022թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Թի Էն Իմպորտ Գրուփ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտաբերության) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում «Թի Էն Իմպորտ Գրուփ» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 321.270 ՀՀ դրամ, որի 50 տոկոսը կազմում է 160.635 ՀՀ դրամ, ուստի օրենսդրական պահանջից ելնելով «Թի Էն Իմպորտ Գրուփ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և «Թի Էն Իմպորտ Գրուփ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք՝	500.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ ակտ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

տնօրեն Թելման Նալբանդյան

Ֆիզիկական անձի անունը, ազգանունը
(անհատ ձեռնարկավորող դեպքում՝ անհատ
ձեռնարկավորելու նշումով)՝ իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հավուկ առաքման դեպքում)



ստորագրությունը

ընդամենը 3 էջ

2022թ.

(նշում ակտը ստորագրելուց և (կամ) ստանալուց հրաժարվելու մասին)